


A vibrant illustration of a person with long, flowing brown hair, seen from behind, standing on a wooden surfboard. They are holding a string attached to a large, red, teardrop-shaped kite flying in the sky. The person is wearing a white cloth around their waist and a patterned loincloth. The background features a blue sky, a green mountain on the horizon, and blue water with white waves. In the upper left, a small silhouette of a person is shown on a surfboard, also holding a kite string.

Haikuà



MINISTÈRE DE L'ÉDUCATION
ET DE LA MODERNISATION
DE L'ADMINISTRATION
en charge du numérique



DIRECTION GÉNÉRALE
DE L'ÉDUCATION ET
DES ENSEIGNEMENTS

ENANA

HAKAMĀMAĪA



HAAMOETINI TE KEEE MEMAO
E PĀHOÈ HAKATEPĒIÙ, TOA O TE HAKAHEKE



MAHEÒNO
TE TOA O TE PAKO



TE HAKAIKI
TE MOTUA O HAAMOETINI

TEEHUMOANA : TE ÈTUA O TE METAKI.


TANAÒA : TE ÈTUA O TE TAI.

HAIKUÀ : TE IKOA O TE PAKO A MAHEÒNO ME HAAMOETINI.
E IKOA HOU TEĪA I TUKUĪA E TE TĀUÀ NO MAHEÒNO.

TE HAEHAA : E ÈITA NO TE HAIKA I TE MATE.

I TĪTAHI TAHA KĒ... O PATITIFA





I TE TAI TEHITO, E HAKAHEKE NEI TE PĀHOÈ HAKATEPEIÙ
O HAAMOETINI TE KEEÈ MEMAO...



ME TO ĪA TAU TĀVINI MA HOPE ANANU O ĪA.





I E HEEEEEEEE.....!




MEA ÀVA ATU ĪA I TO ĪA TAU TĀVINI.

IO TĪTAHI KAAVAI, E PAKO
HAKAONA TE HANA A MAHEÒNO,
TE TOA O TE PAKO...




OINEI TE
PAKO !



PONIHOO !
TAMAÙA !
A TUKU !
A TUKU !

E TOHE ANANU MAHEÒNO I TE HITI TIHE IO TE VAHI TIKETIKE.

I TITAHĪ PŌPŌUĪ
MAKEHUKEHU,
UA OKO ME TE
KEŪ KĒ ANANU
TE TAI, UA
PAKAKINA TE
METAKI, UA TAKI
TE HATUTII.
E HAKATU OTI
TĒNEI...




NO TO ĪA
HAAPAŌ
KOĒ,...




... I HITI ANANU
AI ĪA TIHE
I TE KAVII ĪA
MA TĪTAHI
KĒKĒ O TE
KAAVAI.



TAUUVUU!!!



Aiiiii...!!!
AAA...!!!



PŪ ANA MAI, MOŪ PŪ
TE TAI ME TE METAKI.

A II ...
E AHA TĒNEI ?

AUEEE !!!

???

ÈI, ÈI !

A VAI I I I!!!

ÈI, MEI HEA MAI KOE ?
O AI KOE ?

E AHA !
UA KITE KOE O
HAAMOETINI TE
KEEÈ MEMAO
AU !


E O AU Â.
O MAHEÒNO AU.
NA Û TENĀ PAKO.
ĀÈ NA KOE.

E HAKAKO
MAI Ā KOE I AU
I TE HAKAONA.
IA KOÈ, ĀÈ
KOE E PAUÈKA
ME TA KOE
PAKO.

ĀIA Â.
E HAKAKO MAI Ā KOE
PĒHEA TE HAKAHEKE.

È ; ĀUA
Â E HAKI !


... TE Â MA HOPE IHO,
E HAKAKOÏA...



A ïï,
PAO
TE HEI !!!



E AHA TE HAKATU
E TE TOA ?



ÈI, ÈI, ÈI...
TIÒHI MEITAÏ !!!
TUMU.....
ÈH I I I

A TUUUUKU !!!




UA ONA... !!!

E E E !!!
UA TOPA KOE ?



È, ÂÈ
HAUHAU !

HEI PAO
TÈNEI Â !!!



È, NŌ TE
PĀHOÈ...

ÀÒÈ !
NO TE PĀHOÈ
HAKATEPĒIÙ...



PĀHOÈ
HAKATEPĒIÙ
E E E...
ÀÙÈ E E E...
HOÌ E E E...



E AHA, E AHA
TÈNEI ?

I ÒTO O TE HAÈ, E MOE AA TE
MOTUA O HAAMOETINI NO TE
OKO O TO ĪA MATE.

E MATE
KARAIHĀ TO
TE HAKĀĪKI.
E TAHI ÈITĀ
TAETA E OKO
I TOE NO TE
HĀIKA.

PĀPĀ E, E AHA
HOÌ Ā TĒNEI ?

ĀUÈ !

E
HAEHAA
TO ĪA IKOA.
AÈ TEĀ ÈITĀ
I ÛKA O
TO TĀTOU
HENUA.

A VEAÒ
TĀTOU I TE
TAU ÈTUA NO TE
TOKO MAI I TE
HAKĀĪKI.

PĒHEA ?


A VAI PŪ !
A PEÀU PŪ TĀTOU
MEA OKO TE TAI
NO TE NUNUU
I TE VAKA

HUA ATU AI
HAAMOETINI
I ÒTO O TE HAÈ.

PĀPĀ,
UA MOEMOE
AU.

A TIÒHI MEITĀI
IA KOE.
A OHO TE ĪI !

E HAATĪĀ
ÒA ĪA ?



A TOKO MAI
KOE I AU. E AMOKA
TOKO TĒNEI. O KOE
ANAIHO TE ĒNANA
TIĀTOHU A Û
E KITE NEI.

TIĀTOHU
Ā!




A MAI A HEE!




E TOA KOE?
ĀKOÈ Ā...

KAKĪ KOE
E KITE?



TIĀTOHU TENĀ
HANA A KOE?

UA KITE AU I
ÒTO O TO Û
MOEMOEĀ.



A TOKO
ATU AI! MA ÛKA
O TĒNEI PAKA
HAKAHEKE!

TŌTAHI
ATU E
HAKAHANA
ME TĒNEI
PAKO!



ÛMOÌ E
HAKAPAPAE,
E HEE IHOA
TĀUA!

AÊ ÂUA E
TIHE !

UMM... MEA
KĒ ANANU.
UA TŪ PĀPAKA
TE METAKI.

OIAA,
Â UA HEE !...

E HANA MAHAÒ TEI KITEÏA. IA HAKAEA MAHEÒNO I
TE AMO IA HAAMOETINI, UA KOË TE METAKI.

... I MUÏ IHO...

A TAHI ÂUA A TIHE
IO HE HENUA I ÈÏÀ
HOÏ HUA PUA.

UA PAÒPAÒ
KOE ?

Ù MŌMOÙ NUI
TO Ù PAUHIHI.

AÊ AU !

UA KITE
KOE I HEA ?

A NOHO MAI
KOE. NA Ù E
HANO TEĀ TIAÈ.
A TIAKI KOE
I TA TĀUA
PAKO

PAKO HAI E,
A ONA ATU
IO ÒTUA O
TE METAKI.

È ! A PAU
A HUA !

UA ÒAKA
MAI ?

TERÒ !
O ÌUA
TEÀ !

A E PĀPĀ.
A INU !

ÀÈ O AU
ANAIHO, UA
KITE KOE ?

MEITAÌ AI,
KOE I POHUÈ
AI AU.

UA KITE
ATU AU

E TE TAU ÒTUA E,
A HAKAÒKO MAI IA MĀTOU NEI,
A APUU I TA MĀTOU ÒTUNA.
UA POHUÈ TE HAKĀIKI.
E TEEHUMOANA E, TANAÒA E,
O KÒUA TEI AAHI I NA TAMA,
ÈIA TA MĀTOU VEVAÒÌA.

E MAHEÒNO,
TE TOA I HAKAPOHUÈ
I TE HAKĀIKI, MĒIA I TO
KOE OKO PĀOKOOKO,
ÈIA TO KOE IKOA HOU
O MAHEÒNO
TE HAIKUÀ.

OIAA IA TE
HAAKAKAI E TU Û
POÏTI. TE HAAKAKAI
O TO TĀTOU TAU
TUPUNA. MEI KEÏKA
MAI TO KOE IKOA.

ME HE MEA
E MAKIMAKI KOE E
HAKAONA I TE PAKA A ÌÒ
KOE E KAÏÈÌA NA TO UÌ HOU.
HAKAMAAKAU MEITAÏ
KOE I TEĀ TEKAO

A HAATIÀ MAI
KOE E PĀPĀ.
ĀÈ TUHAÈ
MEI A U.

AIII...
TIĀTOHU MEITAÏ,
TO ĪA IHO PUTA
PUAÏKA TĒIA.

HAKAPEIPEIÀ

Jacques Dordillon, tumu hāmani hakako
Josiane Manate, tumu hāmani hakako
Vanina Potiron, tumu hāmani hakako
Marina Faaio, tumu hāmani hakako

PĀTOKOÀ

Mirose Paia, hakatee no te pū hakakoà i te tau èo me te haa tumu

VIVINI NO TE TUMU HANA

Noëlle Faahu-vaki, tumu hakako no te tau hāmani

HAKATEE NO TE TAU AAHIÀ HANA

Ernest Marchal, mata àama e tiòhi nei i te hakakoà i te tau èo me te haa tumu

HUIÀ E

Jacques Dordillon
Edgar Tetahiotupa

PATU ATA

Nicolas Bernier

HAKAHANAÀ I TE ÒO UIÀ

Maxime Bonenfant - OBA PUB

KĀNEAÀ

Polypress

Dépôt légal : Septembre 2010

Hakateeà hau o te haè hāmani, o te haè hāmani tiketike me te kaitutoà.
Pū hakatee i te tau haè hāmani tua tahi no Porinetia farani.

TE MAUTAA NO TE PAKO

TAAI AU I TA Û MAKĀ KŌUTE
NO TE KĀNEA I TA Û PAKO ME HE HAI

TĪPUTA AU I TA Û PŪKOHE
NO TE KĀNEA I TA Û PAKO ME HE HONU

TĀPEKA AU I NĀ MAKĀ KŌUTE
NO TE KĀNEA I TA Û PAKO ME HE MANU

TĀPII AU I TE VEÒ PŪKIKI O TA Û PAKO
E TU Û PAKO ME HE HAI E
A ONA AÈ KOE

NO TE HAKĀTAHI ME TE ËTUA O TE METAKI O PUHIOHO, HI !
NO TE HAKĀTAHI ME TE ËTUA O TE METAKI O PUHIOHO, HA !



MINISTÈRE DE L'ÉDUCATION
ET DE LA MODERNISATION
DE L'ADMINISTRATION
en charge du numérique



DIRECTION GÉNÉRALE
DE L'ÉDUCATION ET
DES ENSEIGNEMENTS